昭

昧

詹

言

家塾可也辛丑六月朔日書付淵如龍光濤三孫 | 曩余爲昭昧詹言十卷論五言古詩俾汝卽此講讀 解又嘗有論七古若干卷未經舅出个復論七律及評鋒昔 續昭脉詹言 西部にははは、四人と言ってよいとうこう 卷三 卷 詩話汝可並存翫以為學詩津建懼示學者以恆弟藏 卷二 通論 初唐諸家

卷八.	蒸 道	卷七	李義山	卷六	中唐諸家	卷五	社公	参四	盛唐諸家	10000000000000000000000000000000000000
					_1					

200				NAME AND	Sili di sersepi di	11 (10 years - 10)	Maria Maria	Constitution of the Consti
								均論
沙領昭味曆言		*		•				均論諸家詩話
直					•			
11	,						•	

では、11日の11日の11日本では、11日の11日本では、11日本では、11日の11日本には、11日の11日本には、 律束於八句之中以短篇 世之文士無人 續昭昧詹言卷弟 知詩之 通 又必起結轉折章法規矩并然所以爲難 流 之詩妙 為主而馳驟疾徐短長高 **个止七家能工於此可知非易也** 請體七律爲最難尚在七言古時之 作詩無詩不 而須具縱横奇之開闔陰陽之 心墨子 配之 則

歴觀 明大家冠絕古个所以能嗣 開合動蕩首尾 小名家已不足以知此矧其下焉者乎 人對之昏昧不得爽豁故句法則須如鑄成 亂 又須有奇警藥妙典貴聲響律切高亮章法則須一 題有 無先後起結銜承次弟淺溪開合細大遠近虛實之分令 平緩神不旺氣不壯無雄奇傑特章法不成就則率慢 小才多是詞不能達点尊其意緒影響亂移似是實非 明了本不問有此大法又苦力弱不得自由放其下 題本意本事所謂安身立命處也須交代點返 Ħ 綫貫注 はなだっこ 風騷比 於經者全在此處六化 字不可移

可必是稺率晦僻其承接先後必是亂雜無章不能從順閒 有成就可觀者亦終不免氣骨輕浮 放嘗謂詩與古文一也不解文事必不能當詩家箸錄震 固是要交代點逗分明而敘述又須變化切忌正就實說平 嚴邃密律法森然無或茍且信手者也一 謂曉得文章掇頭文字就可做了諦觀陶謝杜韓諸大家簽 **敘挨講則成獃滯鈍根死氣或總挈或倒找或橫截或補點 用事必是不穩不切其運思用意必是浮淺凡陋其成詞得** 有主意主句須使讀者錦繹分明 不出離合錯綜艸蛇灰幾千頭萬緒在乎一心之連化而 一題數自每首又各 · Transmission

The second secon

復情風急天高猿嘯哀王露凋傷楓樹林等爲法震川 之殊不可混淆不可拘板大約宜分寫見界畫或一句情 詩人成詞不出情景二端二端又各有虛質遠近大小死活 句景或前情後景前景後情或上下四字三字互相形容尤 用意用法及行文變化之妙合之又其成一大章法如杜公 起句須莊重峰勢鎭壓含蓋得 在情景交融如在目前使人津豚不置乃妙 秋與諸將等是也故欲自家詩好必先在善讀古人能識得 之筆如放翁早歲那知世事艱須以爲戒而以高館張鐙 (而後乃可言學朱子詩經序言之詳矣) 篇體學起忌用朱人輕側

THE PARTY OF THE P

情緒敘盡後半換筆換意換勢或轉或託開大開大合惟記起勢來得勇猛者匿木子 用乃妙若使事重滞見事不見我如錢牧翁王阮亭多有此 勢奧佳結句大約別出一層補完題蘊須有不盡遠想大概 為極則所謂雲山經用始鮮明也以我用事驅使得他為我 **浫佻凡俗用字須典覈忌熟忌舊卻叉忌生僻隸事以蘇黃** 如此不可執著結句要出場用意須高大深遠沈著忌淺近 病韓公多翻用使熟者皆生化朽腐為神奇此 公有之小才不能也췈常五六多作轉勢不如仍挺起作揚 謝茂秦戒用大厯以後事雖拘然不可不曉其意但有 神神神神神神が一点につけれてというこう _____ 一秘巧也

→ 医生物 医皮肤

でが、日本の一 音響最要緊調高則響大約卽枉所用之字平仄陰陽上 須湥明雙聲疉韵喜忌以非沈約四聲之說同 與會選色須鮮明妍茂忌衰颯黯淡 則但見習氣可僧令人欲噦 題若不用後世事則不能成詞以古事不給个用也至佛 字宜戒用杜公輞川尙不覺坡公已嫌太多近日如錢牧翁 初唐章法句法皆備惟聲響色澤猶帶齊梁盛唐而後厥 、聲用上 派演爲七家以此二 去聲音響全別个人都不講矣 **時層**言 |派登峰造極幾於旣聖後

| 傅東坡皆同 | 前記不與傳鑑此論雖未確而昔人評品之 空同于鱗臥子牧齋以爲惟七家力能舉之而大厯十子白 儀仗非復塵閒色相李東川次輔之謂之王李 孟堅文以密字為主莊嚴妙好備三十二 | 縱恣壯浪凌跨古个包舉天地此為極境| | 曰王摩詰如 字為句字皆調美八句為篇句皆穩暢雖復盛唐殆不數 何謂七家抂唐爲李義山實兼上二派宋則山谷放翁明 不數首古推子美个或于鱗縣似駭耳久當論定賀黃 可想見其高門貴格不容混濫也故王元美論七律日 派 WALLES TO A STREET 日杜子美如太史公文以疏氣爲主雄奇飛 一相瑤房絳閼仙官


卑矣晚唐是已 苦思勿先趨平淡 詩有用力不用力之 轉曲折變化竆極筆勢迥不猶人山谷專於此苦用心 杜公所以冠絕古个諸家只是沈鬱頓挫奇橫恣肆起結 害其篇 七律句法先須學堅峻用力進以雄奇傑特典貴警拔惟· 目然所出總之語不驚人死不休也最忌巧巧則傷氣而 [作詩雖不拘字句然往往以字不工 寒 緩 明 用 詹 言一 分然學詩先必用力久之不見用力 |而害其句句不工 四

| 痕迹入於撏撦餖飣成西崑派故又當以杜公從肺腑中流 優孟衣冠安牀架屋之病如空同之於杜青邺之於太白雖 學一家而能每非其未盡之美引而伸之以這吾短則不致 之七古玄從韓公入 入於淺俗流易也故謂學者先宣學鮑謝不可優先學陶公 谷方是自成一家不隨人作計古之作者未有不如此而能 盡其能事作用終不免於吞剝換擠太似之譏必如韓公山 出自然渾成者爲則要之此二派前人已分立門戶須善體 痕所謂將爛之極歸於平淡此非易到不可先從事於此恐 心律立先從王李義山山谷入門字字著力但又恐費力有 丘中

は、一部できる様ののできるのはあげることをある

情要之 辽 詩之意 **義也若乃無所欲語而彈為之詞盜襲剿竊雷同百家客意** 詩不可墮理趣固也然使非義豐理富隨事得理灼然見作 大約胸襟高立志高見地高則命意自高講論精功力淚 可窺其蕴畜惟多讀書有本者如是非卽此詩語句而作 易雜文離泛演意旣無眞詞復陳熟何取也 能崇格讀書多取材富則能隸事間見廣閱歷族則能 門戶者也 諷詠而不置也此如容光觀瀾隨處觸發而測之靈淚 尤貴於立誠立誠則語眞自無客氣浮情膚詞 何以合於與觀牽怨足以威人 がえる日 せんだう 而使千載下誦者流

寡情不歸之病 漢書項籍傳文類日游卽流也則上游之游卽讀爲流孫蔥 詩上游與流字並韻非也按此等不可勝指可見後世詩 號國師者也欲蕭疏雲水之外而取此為喻非也又上游見 嶽有著紫伽梁苦未能句姚云著紫伽梨者所謂殿前賜紫 察樓蘭姚畫鳴先生日**賈**誼請繫單于 頸終軍請以長纓繋 穩妙所以衣被干古明何大復武昌聞邊報結句請纓誰為 南越無繫樓蘭事且當時邊報又無與西域也阮亭祭告西 無非浪莽魔才其隸事似是而非皆若此肎是烏得當作中 初盛諸公及杜公隸事用字無一不典不確細按無不精巧 一次的味噌言一



措語沈著重穩五六句分寫行者居潛勻配完足復以自 **婦獨居卻以鬱金堂玳瑁梁等字攢成異釆五色竝馳令** 沈雲卿古意 續昭 昧詹言卷弟二 本為蕩婦室忠之什而以盧家少婦實之則令人迷如古詩 丹鳳攢染設色收拓開 以西北高樓杞梁妻實歌曲一 日聆此得齊梁之秘而加神妙者三四不過敘流年時景而 **通過**一次 一点 四 中 四 中 三 二 初唐諸家 此詩只首句是作言本義安身立命正脈葢 步正是跌進 樣筆意本以燕之雙棲與少 副墨子誾解

遠甚 **丸脫手遠包齊梁高振唐音** 興慶池侍宴應制 取右丞工部櫻桃校何大復鰣魚皆可見明之詩人不如唐 收說盡無味中四句太多太滯肥笨不能通靈分弓二句 如賦六合從何處說起故以已所在所見之地爲主則首句 杜必簡大酺 右丞同工 一聯兩大景兩細景分寫收侍宴應制 一題似猜謎紫塞二句亦不上題由其章法文理不通也再 オートナー 此推廣皇恩之事固宐極富贍繁藥之美但 起句破與慶池次句破宴皆帶與象中 持校楊愼關山月則 氣象高率渾罩與 起

字首句點題面次句破題意有懷故不當春也以下四句切 應日幾皆題眼也而收句始結明之文律如此之細雖太史 春切京中而各以一字作眼以見不當春之意曰徒曰漫 春日京中有懷 有素也李義山輩不足知此 公韓退之之作文不過如此乃知子美冠絕古个本於家學 六細景收頌聖闆大 文律之細如此後世麤才何足知之三四大景略帖本地! |山奉和初春幸太平公主南莊應制 命脈而又不可太黏致狹故以次句拓開之古 京中 秦也杜家洛陽通身命脈在有懷

奇三四實寫堅春之景奇警切實五六帶說幸字收頌美 蘇廷碩奉和春日幸望春宮應制 每篇結句不無淺率之弊為風氣所關耳此亦不易之論也 無規可謂的論又曰唐初事多而寡用之情多而簡出之特 順後人只是倒亂矣三四寫幸五六旣至燕樂收切公主莊 點明亦是定題位法次句說幸乃有次弟古人文法無不 者當去短取長 詞況當武后中宗朝又天下穢濁時也眾子雷同有頌 「辭曰猶繞只是脈清意通 沈確士云初唐應制多諛 起實破望春名義與事

一方の一方の一方の一方の一方で 轉極圓美誦之愜心不厭五六實舄幽州新歲題中正位收 **꾆湖山寺** 以遷謫自痛姚云其意實憾其詞反夸本於小謝我行雖 事不節 全柱五六句振起不特篇章即作意亦枉此句得力 組兼得竆囘谿愚謂古人似此意句甚多不止此也 爲與象乃不枯質三四忽將首二句兜裹成一 張道濟幽州新處作 切新嵗頌聖得體親切不層古人詩文只是恰好如題傻 |句山三四句寺五六句嗈湖景收託意正得山水之樂 外生枝爲客氣温語 姚云此燕公在岳州詩所謂得江山之助者 起句觀 筆次句點本題而以 氣而情詞流 此

Alemaineanatri	MARKET STARLEY		estanti estatuli in sieni ili. La pitana		ACTURATE DE
				而五六	宗楚客
					奉和幸
				傾逃之!	宗楚客奉和幸安樂公主山莊應制與李巨山宗楚客奉和幸安樂公主山莊應制與李巨山
				7	土山莊應
		,	,	科腊ア	制即
					與李旦山章法悉
				•	巨山章法悉

以可貴然愚乃不喜之以其無血氣無性情也譬如絳闕 續昭昧詹言卷弟三 爲後人所莫及高藥精警極聲色之宗而不落人 如來確然別為 人復昭味詹言主 盛唐諸家 **"取乎政如司馬相如之文使世閒無此殊無所損但** 一何詩而無當於與觀羣怨失風騷之言遠聖人之教 **軻川於詩亦**何 一派勢其所至只是以與象超遠渾然元氣 祖然比之杜公眞如維摩之於 副墨子剧解 八閒聲色所

句先以山川將長安宮闕大勢定其方位此 法也譬如畫大軸畫先界輸廓 題從順故率不 和聖製從蓬萊向與慶關道中 秦望站雨中收奉和應制字通篇只 一卷相似誠萬惡之技也 閣詞人醖釀句法以為應制之用誠爲好手 一細密不漏叉能設色取景虛實布置一 Į 通 **畱春雨中春望之作 歴觀古今陋才皆坐不能** 如弈基先布勢子以 還題完 亦擒題之 如个 起

疏漏帝子岐王也先安此句次句借字乃有根中四句突寫 意息圓足五六賜字正位收題後補義 不脫題面木拋漏題中應有事意而古合小才恆士率未能 古人不忌 九成宮之景收句乃合應制人 救借岐王九成宮避暑應制 原題立案所謂鹽腦也中四句寓目收切主簿及和詩只是 敕賜百官櫻桃 解亦可怪也 和太常韋主簿五郎温揚寓目之作 起亦是鹽題之腦三四在賜之前補 八頌聖口吻 起二句破題甚細不似鹵莽 格律詳整明密觀此 先敘明温湯地方以 用字重複如 が対しては、一般の対象を対している。 何

積雨輞 出塞作 武寫得興高釆烈如火如錦乃僲題收賜有功得體 塞也外則出矣前四句目驗天驕之盛後四句侈陳中國之 **已酬詩之意** 酬郭給事 及杜公櫻桃知何大復鰣魚不通也 主脈也三四所居之署中有人抂五六正寫給事本人收自 : 與裴迪過新昌里訪呂逸人不遇 活現萬古不磨之句後四句言已枉莊上事與情如 川莊作 一方日日 左下三二二 此是古个弟 給事是侍從官起句先出官署亦為題立 THE RESERVE OF THE PARTY OF THE 此題命脈在積雨二字起句敘題三 絕唱只是臀調響入雲霄 居

八人 是定題法然後過訪乃有根 三四訪字警策入妙五六景-景奇響入妙收亦奇氣噴温筆勢宏放響入雲霄 費美歎羨 過乘如禪師蕭居士嵩끠蘭若 送方尊師歸嵩山 蘭若三四寫上人居此境味警策入妙五六人地合寫收作 送五六切郴州收句應有之義親切入妙又切地切貶重穆 地名不忌 方形貶郴州 ~ 資昭永醫言二二 直從楊貶起畱送字三四句正入已之 起破題明切中四分寫嵩山遠近大小 起帖乘如居士二人次破 Ţ

體渾厚微不及之而意與超遠則固相近 行戛加頓挫弟四句合畜不說出戛妙五六大斷離開遙接 |當思其語乃有得起二句敘事已頓挫入妙三四復繞回首 寄綦毋三 句切員外收入于乞之意唐人慣用 孟縣也 寄司動盧員外 可取法處 級于鱗以東川配輌川姚先生以為不允東川視輌 此似東川自指行厯次句乃指長安盧在朝也流 此詩姚先生解最詳而日往復頓挫章法殊妙 何陽枉唐屬河北道漢河內郡个懐慶府 此詩只意與好無大

1

羊之否則恐流於滑易不得歸罪杜公山谷也 一个四情景交易而語有次弟三四送別之情五六漸次至京 送魏萬之京 送李迥 接句句斵 弟二句七八叉從題後繞出大約有往必收無垂不縮 收句勉其立身立名 此為正宗若杜公山谷四句兀傲一 **蓍豪情重語社公出乃開雄奇快健竆極筆勢目** 句驪山五六詔幸嶌得與會聲色俱壯乃爾題結句出 首二句先點出司農本事以下乃有根三句 氣旋轉而仍千囘百折所以謂之往復頓挫也 言昨校微霜游子个朝渡河百卻鍊句 初唐人只以意興溫婉輕輕赴題 氣浩然者亦當以 IJ 司 妙 何 農

輕明中有宿字間字造句警健縱橫足供吟詠收行題而 題璿公山池 **岑參暮春號州東亭送李司馬歸扶風別廬 暮春東亭送歸六字三四扶風五六歸後情事收自已不得** 入自已此等詩只是自在不矜才使氣然不可學學之則恐 **宿瑩公禪房間梵** 輕弱披漫不能畱人也 **高達夫板別韋司士** 詩本言姚評盡之矣 · 日中大三二 起句敘點只是設色攢字是 起二句觀題面中四山池與人合寫收 起句點梵次句寫宿時景中四句實賦 起二句敘板為別字傳神亦用攢 此詩不如右丞無著天親緊健 一法門 首二句細發 句

送前衞縣李寀少府 設色三句墊四句點別五六別後情事收世情而已 折五六雖斷寫景而氣亦直下噴温收亦然所以可貴太白 鹦鹉洲格律工力悉敵風格逼肖未嘗有意學之而自似 | 崔顥黃鶴樓 五六收同前常侍每工於發端後半平常未奇也 家大概亦是尙與象而氣勢比東川加健拔 有與象故妙五六亦是寫但有敘說而無象故不妙也收託 行經藥陰 此體不可再學學則無味亦不奇矣 起二句破點次句句法帶寫加琢三四句寫景 此千古擅名之作只是以文筆行之一氣轉 先寫時景起二三句正點四句輓 £ 高岑 囙

崔踞九日登室仙臺呈劉明府 字五六仙字七八劉明府九日因九日及菊花因菊花及陶 意亦浮淺 非泛及也 啞與響不侔也故曰詩須讀好聽然此自是初唐氣格 託意有澄清之志豈是時范陽已有萌芽那 只是字面有殊百盡字啞於散字低字韵叉啞胡公败又啞 姚云三四壯於嘉州秦女一 首二句臺字登字三 聯愚謂詩意 四梁

瀼西三年去夔出峽至工陵秋移居公安復之岳州四年 岳之潭五年在潭遇滅玠亂入衡州耒陽卒年五十九處 秋興八首 **虁寓西閣及至二年春還赤甲三月遷凜西秋遷東屯復歸** 至中州雲安縣居之自秋徂冬大厯元年丙午春自雲安至 續昭昧詹言卷弟四 元年乙巳嚴武卒公去幕府居草堂五月至戎州渝州六月 杜公 菊兩開故知爲居變之二年作也要在蜀省東 此代宗大厯二年公五十七歲居夔作也永泰

第二首只是言見在夔州已所在地而以每望京率為言 此詩八首前三首言已所在夔州本地其下五首皆思長安 安五首皆從陷沒後追思何得獨以瞿塘 秋興者因秋而發興也謂之與者言在於此意寄於彼隨指 **超後四篇意錢箋以為恵承平陷沒自古昔游不忠所忠** 四處所謂身在江湖心殷魏闕古之忠虔者其情皆如是也 而弟四首叉為長安總冒其下分忠宮闕曲江昆明池渼陂 主以哀傷爲骨 處一事為言又枉此而思他處也而皆以已為緯以秋為 州府東巫山縣西忠州雲暘縣三面皆界湖北東北界鄖陽府 首當之也弟四

弟 作驚惋之情以致哀思乃倒煞題秋字收拾本篇即從次句 之藥三四沈雄壯鬧五六哀痛收別出一層悽緊蕭瑟 與會標準 升天行意箋以爲如弈者之無定算亦是邊見 云甫 **舟以待出峽而歸故曰** 每字生來每者二年在此常此悲思而个不覺忽又 弈綦比長安言其迭盛迭衰即下三四句所解本鮑明遠 一首 一首 正言抂夔府情事結句乃歎歲月蹉跎又值秋 起句秋次句地亦兼秋三四景五六情情景交融 起句下字密重不單側佻薄可法是宋人 繁故園心栗倍他日倍前日也鍾 八對治

場與會陡 翫末章末旬可見箋乃安解引皎然旨說以次句爲截斷 乘槎而反未 此詩詞意景物皆主夔府言不主長安何謂截斷眾流 **邓公客堂詩日主憂豈濟時身遠彌曠職卽此句意或謂** 、自興不得意卻以得意者反結 、月槎句蹈空沒下落久思之不得豈虛言已無實效 景尤湊泊 以坐江樓為主以下只是江 如有神助 上何時故曰虛恐未然於奉使二字無著 細 見漁 **/無所得燕子不歸因以** 一樓所見所思結句

思故極言富盛一片承平瑞氣而言外有餘悲所以 可忽跳開出場歸宿自己收拾全篇蒼凉凄斷 第四首 字此卻易爲起處橫空突入又復錯綜 弟六首 弟五首 四近五六遠結秋字陡入悲壯而患字叉起下四章章法 無痕 人當平盛時正用作頌美則死句如嚼蠟矣 此詩渾灝流轉龍跳虎臥 **思宮闕** 息長安 《續昭味詹言四----息曲江 五句指隴西關輔別六句指吐蕃入徵天下兵不 自此以下皆思長安而此首又總冒三 高率典麗氣象萬千三四遠五六近結 他篇或末句結穴點秋字或中閒點 1 入妙瞿塘已所在 , 此飢後追 \為佳後

兮共明月健漫縣絕 借漢思

唐以昆明

顕本於武帝也

箋乃以

為思古長安可

謂 弟七首 之句靈蠢縣絕 限低徊所謂弥外之音世俗作贈送詩正用以爲假美地 曲 **冗歸宿言已落江湖遠望弗及氣激於中橫放於外噴嚩** 就夢試息菰米運房亦指漢物乎 公自謂乃本篇結穴箋乃謂指信宿之漁人成何文理 江所忠長安地卻將第二句阿合入妙點秋字校隔千 **卻用倒煞所謂文法高妙也沈著悲壯色 但絕此漁** 思昆明地 中四句虛寫曲江景物末句兜囘 中四句分寫兩大景兩細景收句結

第八首 登高 然無盡 九日藍田崔氏莊 接遞開合兼敘點 **筆力多氢復能雄傑健拔振起** 不覺爲對句 面結句推宕餘意不盡按楊誠齋云首聯對起方說悲復說 項刻變化額聯將 前四句景後四句情一二碎三四整變化筆法五六 忠渼陂 **尺**懷昭味管言四 氣噴囀而出此放翁所常擬之境也收 起點題敘述三四情五六交代藍田題 起點明地方三四景五六追昔游即 一事翻作兩句最得翻案妙法人至此 篇精神結聯意味淚長 四

閣板 格不同平 返照 **承黃昏過雨則一二句叉為題透根也後半句意有韵味** 此自寫景錢以為星搖民亂不必如此解五六情 柯按蜀都賦公孫躍馬而偁帝 事所謂安身立命主意也 而出但見性情不覩文字殊方二句象中取義結句點! 明廟在閣旁公孫述白帝城亦與閣近故云躍馬非泛 章法明整前景後情勻偁點明地方有歸宿三四 此九日憶弟妹而作通首八句一 淡庸熟枯淺 一句校三四切閣校倂切在蜀東坡嘗賞此二 And the second s 諸篇結皆對句而不覺 氣夷猶開合頓立 先君云 逗本

萬里秋 近收點題出場柳格 沈著收出場亦即所見以志感 **阿里尼尼尼**克尼朱含言-叮-可輔傷時無葛相之才 **吳乃從登樓所見如此言之雄警謁大五六情而措語淚厚** 山三城列戍百姓疲於關役公五言律云辛苦三城戍長防 兼寫有畫意三四正寫景五六以下推開愈推愈閱 起二句分點題面各緯以情事則不同平語三四寫 此即艸堂也寫景逼眞而有風格不同庸淺起二句 此詩起勢寫望而寓感慨中 先君云是時分劍南為兩節度而 先君云言有賢臣則孱 四句題情三四遠五六 Ĺ,

宿府 ൬ 悲也 別 宿景中有情萬古奇警五六情收又顧宿字此正格 狐彰始以滑州歸朝東郡即滑州也 所謂出 忠悃如此他人學之則成客氣習套膚陽 章法同登樓亦是起二句分點 故以片雲自比是時東郡尚為思明所據上元二 起四句先點一別字以下極寫恨之事收反恨作 1 語凡近似俗 場 句即所關心之實事也言已 起收雄渾直邁 又曰首尾浩然終 五六句海峰先生評 以情景雜之 帷 劒閣關 兩京南郡得 不歸 心東 此

喜

E

用作为言

2

£

諸將五首 後 也從剱外間信欲歸洛陽情事分明而又皆虛擬所以為妙 加徙 用意具指語重章法新結曲折也 間官 出故與流利輕滑者不 曲 不離諷刺而叉不許計直致傷忠厚總以吐屬高族文法高 折細 人則以實敘行歷為能有何味也 同調響切采色古澤菊見側出不犯正實情以悲憤爲 軍收河南 河南父徙杜陵公生於杜陵而田園在東京東京洛陽 紋者不同題各有稱也起四句沈著頓挫從肺 門續昭昧詹言四 此詠時事存為詩史公所擅場大抵從小雅 河 北 同後四句又是一 此 亦通篇一 氣而沈著激壯與他 先君日 公先爲 襄陽 氣而不嫌直致者 **ジョンの他のははははははなって**

将以見用皆不得其人不專主一人一處 句以朝俊為宗衣被千古無能出其區蓋 縣皆爲邛墟遂有輕唐之心其後雖復助順而所過抄 陽勳雖大而此自爲非他日囘紇助史朝義內懷至三 第二首 材官不能制涇渭乃吐蕃入寇之路莫破愁顏正可憂也 省昨日早時言滁山之發也五六言可堪吐蕃復發乎末言 何義門解之最當 秋二字言赤眉之禍又見此入關蕭關也 首 告河北諸將以張仁愿勉之極言借助囘乾之 告長安諸將以發陵責之 起以漢比點陵墓 事也 此統詠當時諸

何|四|之|空| 第三 のというにした。 **脳宁東京請城軍賽錢四十萬貫箋以** 叉各有軍資鐵皆取給度支故云云按王 意此直 何宕接六句繞囘筆勢宏放收點明作意歸宿作詩之人 州朝廷 句大往大來 被侮亦極矣公言肅代之不如高祖 陷 首 於群 助僕 如太史公 があれていたとうされ日 告洛陽諸將東京之陷秦關不守滄海指淄青 者薊門則遍指河北三郡夷州范陽 一句蒙変義門皆混解光聿原云時方鎮皆令 固懷恩優至涇陽雖聽汾陽擊吐蕃自贖而 開 一首年月表敘矣 合所謂來得勇猛乾坤擺雷狼 太宗也箋皆失さ 為濺縉非是 **縉領諸道節度** t 陽治幽 溯方 也

也蒙箋得之 變以爲指中官出將是也李輔國爲兵部尚書魚朝恩程 武以斥崔旴柏茂林李昌夔楊子琳杜鴻漸皆非出擊之 振皆總戎末句統南北而總收之 極佳以義意丰之則見於弟七句以與易賦也 公詩而誤或云武一鎮東川兩鎭劍南非也愚謂以閻百詩 一持節專則以談杜鴻漸不能斬崔盱似也但詩云前後 此統斥楊忠勖呂太一李輔國魚朝恩皆非忠 野角日本序言口 詩先與象聲律而後義意此詩起二句與象聲律 通鑑攻異云武無三鎭之事新舊唐書皆沿 此詩忠嚴

海阳为中国区南风沿床。 第二四十二 宅公誤以庾信亦居此故及之樹按庾信居宋王宅前人 見之杜不誤此乃何說誤也 第一首 出之乃妙若正面實賦則死滯如嚼蠟庸 詠懷古蹟 飲以斥杜鴻漸之縱飲 淋漓頓挫音響絕悽惋或以後四篇為平平無奇要之風格 也不歸二 健耐人吟翫 何云以奇才國色英雄皆不得志自比亦望文生意 一也詞賦絕人三也 総寫身世以庾信自比結點明大凡三事遲暮 凡詠古蹟須以已為主卻將題作賓指點詠歎 此雖不及秋與備諸法妙 何云哀江南賦誅茅宋玉之 人俗手應試體矣 ノ西川 屢

蜀相 者爲 議締情 以句法堅峻壯麗高朗為貴又以機趣湊泊本色自然天 弟 弟四首 法然氣勢浩然章法老成二李終不建也此起四句先及 贈田九判官 主人及本事後半始入題田扛哥舒翰幕中天寶十 首 廟 上乘 人所同有但無其雄傑明卓及沈痛真至耳 古廟 此亦詠懷古蹟起句敘述點題三四寫景後半 THE PERSON 意到底不換而筆勢囘旋往復有淚韵七律 此詩音響采色俱壯明七子二李諸家所宗 一句就事指點以寓京寂山谷樊侯廟所 Ę 1 Ē

送路六侍御入朝 切他人 学演心味言言 四……… 公安送韋二少府 北斗指長安三台指杜也時杜還朝李從温州來赴京 州出峽背指言速也三四奇警五六敘點收奇警南極 漸平崔旴以大厯二年六月入朝表用秘書故由益州赴之 送李八秘書赴杜相公幕 景中推出本意本事繞囘包束全篇即所謂不分生憎也 丁侍御 不能也收亦溫婉解見惜抱先生按語 起敘點題 起敘述 此同前詩而奇警過之 氣曲折赴題五六景結句 面三四忽拓出別後義 L 杜

送鄭十 素地也 所獨擅他人不能勝於送韋少府遠矣後惟東坡有此白 送辛員外 銜接承遞 **色象不用典故** 同 例 四乃公所獨美耳 、時事正面略帶公安地方然近於落套不爲佳此詩 八虔貶台州司后 東省朝 串不傷直率以筆筆頓挫也 先寫地方及景後四句 格而風流駘蕩眞意彌滿沈痛不忍讀而 逍遙公章瓊見北史此與贈曹霸 起逆入從天半跌落皎然所謂氫 此是白描如話清空 氣纏縣沈著眞至 氣不

所思 |有即用意著力不作常語||四奇警||樓之高分天地之中 轉如囘風舞絮與前半相應 索結叉妙勢似直下而情事曲折無窮 雪賦梁王授簡於司馬大夫事 高寒無暑又切楚都五旬用劉惔比六句指嚴侍御收句 又作此奉衛王 家鼠鼠由淡於體勢也五六家景平滯而造句細結句又 折於題事一字不遺可見古人 和裴迪登蜀州東亭送客逢早梅相憶見寄 コーキューロングトロなどは、一種の関係を 此詩妙極全用虛寫面以苦憶及弟六句無使爲綫 此是琢錬用力之法 八不敢拋題日 起句敘事明淨 此詩細緻

將赴荆南寄別李劒州弟 因許八寄江宵旻上人 宕厯落三四妙切猶明七子所能五六造語奇警則義山 也收切實沈著妙於出場 直率聯接五六略作虛景虛想即好事也亦題中所應有情 翁且難之勝韓十四五六多矣結句囘轉宕蕩不竆 閥不歸之病也 **塡意貫注** 四細還題交代題事五六妙遠空靈出事意外所謂意高 | 以起收句入己 氣曲折頓挫乃無直率死句合掌之 東閣即東亭次旬比與勢空而意親切三 大約詩章法全在句句獅筆筆斷 亦同送鄭十八詩格只是頓挫不 起只敘述點題而語意文勢跌 THE RESERVE THE PROPERTY OF THE PERSON NAMED IN COLUMN TWO IS NOT THE PERSON NAMED IN COLUMN TWO IS NAMED

收 來只在想之之詞 力然 江陪鄭八丈南史飲 至 億昨二字為章法骨子 日遺與奉寄北 筆盤旋曲注與九日崔氏莊同五六平敘結句拓轉作 敘事写 此 **擎勢校前加寬宕頓折 然續昭昧詹言**四 「而語意透徹朗俊温 一省舊悶老兩院故人 收大斷又結穴與秋興蓬萊篇同 起二句先寫景分外清新 先君云儀物如故欲見無由由 追憶傷感

野人 者也 首句也自二字根出所謂詩律也後人於此等處昧之觀何 巾用范通詣王濬事 始寫出似不若此八句中面面俱到爲尤佳也 則極其壯闊實為後來各名家高會規矩而後半妙處卽 **清新章法井然明白** 南鄰 、復鰣魚雖佳然但覺其骨節艦大 八送櫻 並不及右丞敕賜櫻桃章法明整也 STREET, STREET 此贈朱山人 桃 此小題也前半細則極其工細後發大議 八也皆向山人 韓 公贈崔立之五言長篇許多言語 の行うなどのでは、日本の (無序無謂無章不但) 邊寫而情景各極親切 先君云肉 論

心事此等不出於寫景效情而作者清新填至不 氣非 省中題壁 謂詩史也其事儀詳錢箋 Mj 知嚴滄厄所護以文為詩之論非也一 細典麗 A 腸 八所能 月文章 叙事體 油 **举清宫承山反然後阿京至此十年矣所以天寶十四年冬公自京師赴奉先路經顯山** 一田云前半想見省中清邃下 開作寬勢結句還題退朝而兼及掌故所 1 氣轉折 遒勁顿挫不直致不枯 四复朝時之 結換意 田場尤 景而造

景 幕歸 白帝城最高樓 句之奇佩如此奇險勢其意脈卻文從字順各識其職 起句促簇次句疏直而關步放縱乃立命之根中四句1 往易盡是乃所以為古文妙境百鍊鋼化為繞指柔矣 曲盤痰瘦而筆勢囘旋頓挫闊達縱横如意不流於直致 題最高二字收句氣格厯落用意疏豁非是則收不住中 見其西於西見其東極形高處所見之遠出尋常想外只完 謂意想高妙與康樂早間夕殿急晚見朝日暾同其奇於東 一遠景以下三字形上四字句法已奇五六戛出奇采所 起四句情景交融淸新眞至後四句敘情一氣頓折 此亦造句用力之法 句法字字攢鍊 十二国际通过被政府的建设区

成雄邁流易中有烹鍊他人極力不能道全是寡景而中有邁頹 此與前篇同格起句似率而鍛鍊語歰鬼苦三四渾 情字法句法如鑄後四句亦與前同固是彊弩之末亦斵無 |新警妙五六平還亦新切結句遠想反襯法而有親切味 郎地以戒行險密身也 □ 10 mm | 10 體製別非之非可輕學 程氏東山艸堂 **趙篇句句覓奇險之理** 空轉眞切後半眞至而蘊藉有財下語得體蓋謂有嚴公 將赴成都艸堂寄嚴公第五 此與前篇同格起句似率而鍛鍊語歰息苦三四軍 起夾敘夾講夾寫而著語歷落崢嶸清 此數詩當以格力氣象與趣音 凡詩中所謂太陰皆似指夜黑收 起二句敘事點題三四展宕 一江北一大大

中無信也誰家公自言其家妻子百 怒張他人無其志事者學之則成客氣是不可疆也暮歸首 樹謂此所謂意度盤礴淡於作用力全而不苦歰氣足而不 大百樹謂爲蜀道兵戈故掊州船滯夔州行人少而長安家 四句解上三句收言崔盱之亂不足憂而松州吐蕃之禍為 艸 則游子可以優游託足也 一語亦然 先君云前半詠雨後四咸懷在白帝作非詠白帝 此題雖日黃艸而實思家傷亂之詩也 此亦在培州作起點地點時三四堂中景五六近景 先君又曰弟五句終未死此皎然所謂暗也 STATES OF THE PROPERTY OF THE 先君日弟

一年日日本八三年日

벌

道五六敘情常語耳結句公之雅言素抱但別誤語耳 即事 公高率清警兼有王李奇横兀傲兼有山谷密麗跌宕 起句點題以草亭為題也下二句寫景清新 膽 **季續帕味詹言四**

劉文房 與比但以物相比與則因物處觸言在於此而義寄於彼 行與而兼比者亦終取與不取比也若夫與枉象外則雖 關睢桃天兔罝樛木解此則言外有餘味而不盡於句中 而文房叉所以輔東川者也大厯十子以文房爲最詩重 續昭昧詹言卷弟五 而亦與然則與最詩之要用也文房詩多與在象外專以 中唐諸家 則成句皆有餘味不盡之妙矣校朱人 七律宗派李東川色相拳美所以輔輞川為 ---副墨子鬧解 人議論沙理趣

齊五字為象則不枯矣次句上四字古字下 涉理趣文房足散之 古城而 一餘干古縣城 田塵之 句古字餘干字切實沈著而 與在象外也 語
等
為
詩
者
有
靈
蠢
仙
凡
之
別
用
宋
人
體
若
更
無
奇 為作者是謂魂魄停勻若李義山多使故事裝帖 以秋草夜岛為象則不枯矣五六登字中所望意 妙則入庸鄙 间 目則但見與氣而無魂氣魂氣多則成生 首 言外句句有登城人在句句有作詩· 一句破題首句破城字而以上 下劣魔道也 入妙矣以情有餘味不盡 詩最下 三字餘干 爽白 肵

THE PARTY OF A

Ħ

有三下二

相魄氣多則為死滯千古一人推杜子美只是純以魂氣為 妙放翁有魂有魄句法雄傑而嫌有習氣客氣太熟又時有 無與也韓公以文為詩又不工近體無可讀者始舉以爲式 雄傑而意亦盡於此矣秖是有魄無魂言外無餘味取象而 **叉成惡魄昔人論韓公將軍舊壓三司貴二句以爲雖句法** 杜公但氣味夷猶優柔不及杜公雄傑百然若無魂則雄傑 用此意唐人猶多兼之後人不解外矣文房之詩可以通津 **肎个定七律以杜七律為宗而輔以文房大厯十子並取義 比塵奇警白傅卻有魂但句格卑俗然東坡學之則雄傑↑** 山之有魂者而去其魄多者愼遜十餘首足矣這以蘇黃之

聖賢立書於自己沒涉公家眾口人人皆可承當不見有我 院三四切響還蕭寺五六寫此處景入已將作別赴嶺外 个如縣衡矣 餐西宿驛傳儲膏不能作我家當也 將赴嶺外畱題蕭寺遠公院 用我為主則自然有與有味否則有詩無人如應試之作代 過買粒宅 輕促而乏頓挫曲折須去其短取其長解此秘法則流覺古 **具性情面目試掩其名氏則不知為誰何之作張冠李戴東** 巳託意亦全是言外有作詩人枉過宅人在 《植昭味詹言五 首 一句敘買헖宅三四過字五六人議收以自 此貶潘州時也 所謂魂者皆 起先點

外也 速化傷為也 意之卑高雅俗族淺風機客氣以驗其胸抱皆非可以外樂 巧不能與則存乎造句平奇工拙之有才無才選字隸事之 詞如文房此詩可見然此雖規矩而至巧不在是規矩能與 旋皆望此立命歸宿措注而作用之所謂傍題命意傍意 獻准宵軍節度李相公 **育學語學腹笥寒儉才力雌弱無與於此道也又觀其論議 畱題人化因內史想南朝因南朝卽其木亦古所謂與在象** 吐屬以歐其學識觀其取境崇格之有家法無家法締情託 **国国国国** 懷昭味詹言工 大約有一 一題須認情 起先寫一 題安身立命處然後布置 句奇警突兀妙極或疑 时

寄於彼與枉象外 | 動不可少所謂安身立命處也中二聯分賦敘其忠悃聲≌ 歴十 次句不偁 高率偉麗結句人妙言外多少餘昧不盡所謂言枉此而意 校出塞則氣遠不及之覺此仍不免經營地上 也正宗之選專取高率偉麗以接引明七子 但已也此弟二句乃是叙點交代題面本事主句文理一 朱泚為逆文房不及知之文房判隨州乃淮西屬 逐於李希烈乃改准西軍為淮南此編詩時追改及忠臣從 年加准西節度使李忠臣同平章事十四年忠臣被 先君云若弟二句再濃通篇何以運掉樹謂非 海峯正宗獨以此一篇入選所以崇格 被罪者を存在されておける自然におけています。 姚先生云大 按川

送李鉾事兄歸襄陽 點題次句繞出題前必有實事似柳欲居京口而不得也故 送杯使君赴袁州 為睦州司馬時所作睦州个嚴州也文房由潘州貶囘故 **結句送後情事當時實象** 窮海潘州个高州也唐睦州置建德縣此在睦州作送 送耿拾遺歸上都 警精美氣味沈厚故可取交房言近而意皆沒耐人吟詠 四從自已襯跌出作羨之之詞以起送歸意五六分寫兩邊 何在題前五六始入歸字收句結送字叉切襄陽 袁州宣春郡東晉避諱改曰宣陽首句 起句先點耿歸上都次句帶敘時令三 凡題有根源者須先勢取此詩起 寶應元年以京兆府爲上都此 1 四 圆

知此詩在何處作 有弟三句東州西南與長沙衡州接故曰三苗弟五句正送 青谿口送人歸岳州 走選上官得意 送陸澧倉曹西上 六正送收入自已此等只是句法明秀情意纏緜翫此陸非 意不淡無一 三句旣到袁州後意翫三句接句則極爲人似一雅士不 一謝惠連醬如良庖只用雞鴨魚內而火候烹煮有法則 字不靈息致清綺絕無滯相夾語擬之五言記 起句點西上次句切陸姓三四長安五 文房只用眼前習見字習見語而 起二句先寫岳州三四送歸五六弁

此無涉姚先生云肅代之際江淮問有劉展袁鼊之亂木陵 南信肠州接三關托此木陵他本皆作穆字誤穆陵枉齊與 使次安陸寄友入 別作也起句喜得除授二句言時事難爲中二聯景與情変 四寫地景德安府本鄖子國隋改鄖州爲安陸安陸北與河 融收入二員外七句皆自述末句始入別二人: 亦常語而細按之皆非率意淺直而出者 至味存馬俗庖雖用猩唇豹胎而不爽於口秖取唾惡也 言客去稀以起下一 .州重別薛六桺八二員外 **观**演招 床 管 言 五 起二句點敘時令行歷所謂詩柄也 人歸理脈之細如此豈巖才所知五六 此似知淮西鄂岳時將去 丘

文房收寄友古人無不顧題還題如是 章應物自鞏洛舟行入黃河即事寄府縣寮友 破題厯厯分明中二聯寫景如畫五六切地切時其妙遠 無人三四切夏口入堅五六葛即景收入寄阮託意 漏 弟四句五六切安陸景與事六句皆自述收點寄友一 **缶陽** 巴 陵 在 湖 南 首 句 先 從 坚 說 起 次 句 說 不 見 屈 子 弔 以東光黃舒廬葢苦兵擾不識春和矣其西則差安靖故 夏口至鸚鵡洲坚岳陽寄阮中丞 S. Comment 本言今日思智卻追敘前此温見情眞亦 夏口郎武昌湖北 起飨行 絲

法三句承 己懷抱末始入今日寄意 1000位的高層の対人を見かけたいと言いてし、 韓君平,君平三詩不過秀句足供諷詠流傳不泯篇法宛 地三四言此是戰場戍本忠約者多以引起下文自家則亦 地唐屬關內道个甘肅甯夏後衞是 轉諧適而已無奇特與象足以取法今皆不鋒 李君虞鹽州過五原至飲馬泉 是與也五六實賦帶入自家至字結句出場神來之筆人 性情面目流露其中所以耐人 此等詩有過此地之人有命此題之人有作此題詩之 年之人放空山 句四句兜囘自己五六接寫自 ł 八吟詠不是詠古無情不 鹽州為漢北地五原二 1 ŧ 起句先寫景次句點 ーンへの表現を表す 郡

實裁翦藻飾為能是名編事非作詩也此死活之分王阮亭 春息一 詩皆犯此病所以為庸劣無取且如西崑諸公秖以按用故 平能品而已下此一 輩乃終身不能悟 皇甫茂政 乙杜公沈鬱頓挫态肆變化奇橫不可當者則此等止屬中 人面目如應試詩賦得體及幕下張君房所爲低手俗 首不減盧家少婦但氣格不建 等則並傑句亦無乃爲俗人之詩矣 茂政境象與韓君平同亦只秀適宛轉而已 明詹三 等則但有秀句而無此與象作用猶 此等詩以有興象章法作用爲佳若 Ė **耳**概菊為重陽冒

情 矣 謂泉而不傷怨而不怒温柔和平可以怨者也楊用修學之 THE PROPERTY OF PARTY AND ADDRESS OF THE PARTY 春思 佳五六專就自己一邊說而點化入妙結句出場入 **虛允言長安春**望 仲文贈閣下間含人 近癡肥色掩其質語亦稍滯意亦太盡不及此有遠韵遙 | 卿矣此等詩色相不出齊梁而意用則去||三百篇不遠 | 意起與五六平平常語收句承明三四尙沈足 ·減盛唐王摩喆後四句託贈常語平平肎 前四句 彼 此詩用意全在三四夢家未還為 後側選 此屬對奇麗而又關生有情所以 前四句寫閣景氣象眞樸 人妙勝沈

蒙外卓然名句五六亦兼情景而平平無奇收切鄂州有遠 李從 佳 李端宿淮浦億司空文明 卓然名句五六入悵然收句已竭不佳 自蘇臺至望亭驛人家盡空春物增忠悵然有作 想 亂後之詩 名句千載不朽五六入送收入自己 **晚次鄂州** 何春物次句人空三四春物人空之意交融與枉象外 贈別嚴士元 起何點題次句縮轉用筆轉折有勢三四與在 前四句寫已所送別之地三四卓然 | 句破題意平平三四敘題 此殆上元中劉展 此題本

劉夢得西塞山懷古 贈郭駙馬 夢得然荆公卻造句苦息用力有足取法處桺子厚才又 樂天有面 按以杜公詠懷古蹟則此詩無甚奇警勝妙大約夢得才 於夢得然境地得失與夢得相似至其五言則妙絕古个非 又無自己在詩內所以不及杜公想以為此無可學處不 **元劉裕事甚多此所懷獨王濬** 周旋圓足五六寫淮浦卓然名句收敷衍平竭 STATE OF THE PROPERTY OF THE PERSON OF THE P 直說去不見艱難喫力是其勝於諸家處然少頓挫沈鬱 目格調猶足為後人取法也後來王荆公七律似 此與義山相近詩無足取 1 西塞山屬武昌府此地孫策周瑜 î 事 此詩昔人皆入選然

南 皆從舊游二字中生出五六正寫題位收致已意 送浙西李僕射相公赴鎮 松滋渡望峽中 劉所及矣 哭呂衡州 同樂天送河南馮尹學士之任 突寫其本中有哭意五六略展筆換氣 在貶謫故以伯喈在朔方自比伯喈有為人作二 句學士五六正敘之任 直說去大氣直噴 姚云居以知雜御史貶通州徙衡州李年四十 起句松滋渡以下七句皆峽中景而有望 此詩只首 起四句往復互說一 句破題已 又云夢得此時 何

炉處 穆景山送人 之子失志而投河北藩鎭者故不出其名衞州魏博管內 白樂天西湖畱別 情间與擊動人收自然不費力而卻有不盡之妙 王仲初李處士故居 中朝士大夫往來仕宦之路過衞州則爲異域矣此最其悽 質遊直夏板宿妻兄宅話舊 然耐想五六平滯收住又繞回說悽愴 東閣參佐所居 六句皆敘舊思收二句送 起二句敘題字字錘鍊而出之不覺其 起二句寫故居景三四興在象外 起敘題兼寫景中一 姚云此必舊 一聯皆

收句倒轉拍題用筆用意不肎使一直筆句句囘旋曲折頓 爲對起三四跌出空圓醬妙鹽腦運虛爲實五六周旋題面 錢塘湖春行 挫皆從意匠經營錘鍊而出不似夢得子厚但放筆直下也 先斂後放變化沈約浮聲切響此等足取法矣然猶經營 **片八句說去往復一** 象中有興有人在不比死句 接而見固非小才能辨 語百杜公包有夢得子厚樂天而有精族率美不測之 起句平點三四遠景五六譽妙非常以歸後事收 1 章法意匠與前詩相似而此加變化 氣中層次情事有 幅畫圖令人 佳處 地

夜歸末句當貲氣爲優 先生摘末句云俚俗不可耐愚謂此尚無妨清切有眞趣校 點題中四句 而以密字攢鍊出之 得沽酒問飲且約後期 明復總寫 一、劉祁客 何望孤山寺贈諸客 姚先生云非至西湖不知此寫景之下 按此詩筆路誠開俗 起手ですら 小大近遠分寫皆同望中所見卻以結句 句收足所謂加倍起稜也起不過飲點 起點敘次旬中聯皆夕望中景招客收 Ē ٦ 起得突兀老氣揮斥奇藝 此 人作俗詩 題已如畫詩寫景工 派不可 起 而 邂 囘

欲與元八十鄰先有是贈 跌出四句如今寄詩往復一氣五六叉囘應首何收句叉應 寄殷協律 妙後半平行而已卻本色 比杜公矣妙在弟四句自外來招之人件而融洽成 灭句此等猶見章法用筆用意隨手宛轉變化之妙不比作 利用用用是言主 起以敘事爲點題浮雲自比三句與殷爲 此詩 / 無可學處不爲身三字 7 一片故 類